



Kultureqarnermut, Ilinniartitaanermut, Iisimatusarnermut Ilageeqarnermullu ataatsimiititaliaq

**Allakkatigut apeqqutitut akissutit UPA 2016-imi imm. 116, 117 aamma 163-imut, kulturikkut ingerlatsineq pillugu inatsit, timersornermut inatsit aamma eqqumii-suliornermik ingerlatsineq pillugu inatsisit pillugit.**

Kultureqarnermut, Ilinniartitaanermut, Iisimatusarnermut Ilageeqarnermullu ataatsimiititaliap ulloq 15. maj 2016 nassissimavaanga apeqqutit qulaajaassutaasussanik inatsissatut siunnersuutitut UPA 2016/ 116, UPA 2016/117 kiisalu UPA 2016/163 pillugit (matuma kingorna kulturikkut ingerlatsineq pillugu inatsimmik, timersornermut inatsimmik aamma eqqumiitsuliornermut inatsimmik taaneqartunik.)

Matumuuna apeqqutigineqartut akissuteqarfigissavakka. Akissuteqaatinni aallaqqaasi-ullugu ataatsimiititaliap apeqqutaa tamakkiisumik ilanngunneqartarput, tamatumalu kingornagut akissuteqaat.

Sunngiffimmi sammisassaqaartitsivinnut, meeqqat atuareernerup kingorna ornittagaannik aaqqissuussinerni, AKO il.il. siunnersuummut nassuiaatini eqqaaneqartutut ataatsimiititaliamut malugeqqussavara KANUKOKA-lu isumaqatigiissutigineqarmat suliaasaqarfinitut meeqqanik paaqqinnittarnermik aaqqissuussinerni, atualernej sioqqullugu aamma atuareernermit suliat nalilersuiffineqarnissaat ersarinnerusumik pisariaqartinneqarmat, taamaattumillu inatsisiliornissamut piareersaateqartussamik ataatsimiititaliamik pilersitsisoqarnissaa naatsorsuutigineqarluni, suliaasaqarfimmik nalilersuisussamik, siunissamullu sammisumik suliaasaqarfimmi inassuteqaateqartussamik. Tamannalu pisariaqarpat imaassinnaavoq immikkut maleruagassiornissamik pisariaqartitsiviussasoq, imaluunniit malittarisassanik suliaasaqarfimmi atuutereersunik allannguisoqarsinnaalluni.

Taamaattumik Naalakkersuisuts siunnersuummut matumunnga pingaarnertut siunertarisimavaat, sunngiffimmi sammisassaqaartitsineq fritidshjem-ineq eqqarsaatigalugu ersarisunik malittarisassaqaalernissaa, fritidshjem-it atuinnaajumallugit, tamatumani aamma inatsisitigut killiliussassanik aalajangersaanissaq, sunngiffimmi sammisassaqaartitsiviit – fritidshjem-it qanoq paasineqarnissaat eqqarsaatigalugu. Tamatumani siunnersifigalugu, - peqqissaartumik nalilersuereernikkut, pingaarnertullu susassaqaartunik isuma-siuereernikkut suliaasaqarfimmi immikkut inatsisiliortoqarnissaa.

#### Ataatsimiititaliap apeqquteqaatai

**Sunngiffimmi sammisassaqaartitsineq kulturikkut timersornermullu immikkoortunut tunngasuni**

Ataani issuarneqarput ataatsimiititaliamit apeqqutit 6. juli 2015-imeersut, kiisalu Naalakkersuisut akissutaat 30. juli 2015 ullulikkat.

Ataatsimiititaliap apeqquteqaataa nr. 1:

19-05-2016  
Sagsnr. 2015 - 2217  
Dok. nr. 2781570

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [liknn@nanoq.gl](mailto:liknn@nanoq.gl)  
[www.nanoq.gl](http://www.nanoq.gl)

*"Immikkoortoq 32-ip isumaqatigiinniutigineqarnerata nalaani Naalakkersuisut oqaaseqarnerat tunngavigalugu ilisimatitsissutigineqarpoq UPA2016-mi sioqqullugu eqqumiitsuliorneq pillugu inatsisissatut siunnersuummut missingiummik suliaqartoqarsimasoq. Eqqumiitsuliornermut inatsit taanna Inatsisartut Peqqussutaata nr. 10 2002-meersup nutarterneqarneranut atatillugu suliaq siulliuussusaavoq. Inatsisartut Naalakkersuisunik peqqusinerat tunngavigalugu (takuuk qulaani allannguutissatut siunnersuut issuarneqartoq) (Red. UPA2015/32)?"*

Naalakkersuisut akissutaat nr. 1:

*"Eqqumiitsuliorneq pillugu Inatsisartut inatsisissaattut siunnersuut UPA 2015/32 tunngavigalugu nutarterneqarnissaa Naalakkersuisut tunngavissaqartinngilaat. Naalakkersuisulli ilisimatitsissutigisinnaavaat kultureqarneq pillugu inatsisissatut siunnersuut alla Naalakkersuisut UKA 2015-imut suliariniagaat maannakkut marlungorlugu avinneqartoq; kulturi pillugu inatsit, tassani ilaalluni kultureqarnermi sunngiffimmi sammisaqartarneq kiisalu timersorneq pillugu inatsit, tassani ilaalluni timersornermi sunngiffimmi sammisaqartarneq, taakkulu marluk UPA 2016-imi saqqummiunneqarnissaat pilersaarutaavoq."*

Sunngiffimmi sammisassaqtitsinermit tunngasunut kommunip pisussaaffii inuttaasullu pisinnaatitaaffii pillugit kultureqarnermut inatsimmi arlalinnik aalajangersagaqartoq ataatsimiititaliamit maluginiarneqarneq. (kultureqarnermut inatsimmi kap. 2-4 aamma 8-12). Peqatigisaanillu kultureqarnermut inatsimmi § 1, imm, 5-mi allassimavoq siunnersuummi aalajangersakkat kultureqarnermut sunngiffimmi sammisassaqtitsinermit attuumassuteqanngitsut, taakku inatsimmi allami malittarisassaqarneri pissutaallutik. Inatsit pineqartoq tassaavoq timersornermut timigissarnermullu inatsit, takukkit aalajangersakkanut oqaaseqaatit.

Kultureqarnermut inatsimmi kap 2-4 aamma 8-12 sunngiffimmi sammisassaqtitsineq timersornerup iluaniinngitsutut ataatsimiititaliamit inernilerneqartariaqarpoq.

1. Sunngiffimmi sammisassaqtitsinermi kommuninit neqeroortigineqartartuni timersornermut inatsimmi piumasaqaateqannginnera Naalakkersuisunik uppersarsarneqarsinnaava?

Qulaani taaneqartoq Naalakkersuisut uppersarsarsinnaangippassuk:

- a) Timersornermut inatsimmi kommunit pisussaaffii kiisalu innuttaasut pisinnaatitaaffii siunnersuummi sumi allassimanersut Naalakkersuisut erseqqissaatigissagaat ataatsimiititaliamit qinnutigineqarpoq. Qulaani taaneqartoq Naalakkersuisut uppersarsarsinnaappassuk:
- b) Kultureqarnermut immikkoortumi sunngiffimmi sammisassaqtitsinermi pisinnaatitaaffiit pisussaaffiillu assingusut qanoq kommuninit neqeroortigineqartartut timersornermut immikkoortumi atuutsinneqarsinnaanerat qanoq Naalakkersuisunit eqqarsaatigineqarpa? Aammalu tamanna Naalakkersuisut kissaatigaat?

## Akissut

Aallarniutigalugu ilisimatitsissutigineqassaaq kulturikkut ingerlatsineq pillugu inatsimmi sunngiffimmi atuartsineq pillugu aalajangersakkat maannamutut aamma timersornermik ilaqarsinnaammata. Tamatumani tassani pineqarpoq sunngiffimmi atuartsineq, taamalu kulturikkut sunngiffimmilu sammisassaqartitsinerunani, tamanna inatsisini allani aalaja-ngersaavigineqarmat.

Timersornermut inatsimmi § 7-imi aalajangersarneqarpoq Naalakkersuisut aamma kommunalbestyrelsit timersornermi kattuffiit suleqatigalugit qularnaassagaat timersornerup aamma timigissartarnerup inuiaqatigiinni kikkunnut tamanut siuarsarneqarnissaat, tamatumani aamma meeqqat atuarfiat sioqqullugu ingerlatsivinni meeqqallu atuarfianni, ilinniartitaanerni, sunngiffimmi sammisassaqartitsinermut neqeroorutini, suliffeqarfinni, aamma peqqinnissaqarfimmi isumaginninnermillu suliaqarfinni. Soorlu takuneqarsinnaasoq sunngiffimmi neqeroorutit uani immikkut eqqaaneqarput. Taamaattumillu qularutissaanngilaq timersornermut inatsimmi aamma kommunit pisussaaffilerneqarmata timersornermi peqatigiiffiit suleqatigalugit qularnaassagaat timersornerup timigissartarnerullu sunngiffimmi siuarsarneqarnissaat.

Timersornermut inatsimmi § 8, imm. 1-imi aalajangersarneqarpoq Naalakkersuisut aamma kommunalbestyrelsit timersornermut kattuffiit peqatigiiffiillu suleqatigalugit qularnaassagaat timersornerup timigissartarnerullu nunatsinni kikkunnit tamanit periarfissaanissaat, tamatumani aamma immikkut inuiaqatigiinni pisariaqartitsisunut aammalu aningaasatigut peqataanissamut killilersuutaasinnaasut annikinnerulersinniartarlugit. Tamatumunngalu ilaliullugu § 8, imm. 2-mi aalajangersarneqarpoq inuiaqatigiinni kikkut immikkut isiginiarneqartassanersut pingaartinneqarlutillu.

Timersornermut inatsimmi § 9, imm. 1-ip aalajangersarpaa Naalakkersuisut aamma kommunalbestyrelsit timersornermi kattuffiit suleqatigalugit aqutissiuuttassagaat taper-sorsorlugulu, aammalu killiliussanik pitsaasunik pilersitsissasut, nammineq piumassut-simik timersornerup timigissartarnerullu iluani suleqataasarnissaq.

Taamaasillunilu aalajangersakkani pineqartuni pingaarnertut piumasaqaatinik aalajangersaasoqarsimavoq aamma kommunini atuuttunik.

Piumasaqaatit pingaarnert taakkua ilassuserneqarput kommuninut atatillugu timersornermut inatsimmi §§-ini 15-imiit 17-imut, taakkunani ersarinnerusumik aalajangersaavigineqarmata kommunit akisussaaffii, pisussaaffii aamma periarfissaat inatsisip suliasaqarfiani.

Taamaasilluni § 15, imm. 1-imi aalajangersarneqarpoq kommunalbestyrelsit pingaarnertut akisussaaffigaaq timersornerup iluani siammasissumik timersornikkut timigissartar-nikkullu assigiinngisitaartunik neqerooruteqarnissaa kommunimi, tamatumunngalu anguniakkanik killiliussassanillu aalajangersaasoqartassasoq. Tamatumunngalu tapi-liullugu imm. 2-mi aalajangiunneqarpoq kommunalbestyrelse ukiut tamaasa pilersaarusiortassasoq kommunip illoqarfiini aamma nunaqarfiini timersornikkut timigassartarnik-kullu neqeroorutaasussanik, pilersaarusiartu taanna kommunip nammineq quppersa-gaani tamanut takusassiarineqartassasoq.

§ 16, imm. 1 aamma 2-mi malittarisassanik aalajangersaasoqarpoq kommunalbesty-relsip tapiiffigisinnaagai sanaartorneq, aserfallatsaallineq, iluarsaaqqinneq aamma pequsersuineq timersortarfinnik, aammalu tapiissutit taamaattut pingaarnertut najukkami namminer-mi timersornermut ingerlatsivinnut tunniunneqartassasut. § 16, imm. 3-mi aalaja-ngersarneqarpoq kommunalbestyrelse ininik aamma silami timersornermut inger-latsivinnut ingerlatsiner-mut tapiissuteqartarsinnaasoq, timersornermut klub-init inger-lanneqartunut pigineqartunulluunniit, aammalu § 16, imm. 4-mi aalajangersarneqarpoq kommunalbestyrelsit tapiissuteqartarsinnaasut sumiiffinni timersornermut timigissartar-nermullu suliniutinut, tamatumani aamma najukkani timersortartut peqatigiiffiinut klub-

iinullu.

Aningaasalersuisarnermut tunngasut timersornermut inatsimmi § 27, imm. 1-imi aalajangersaavigineqarput, timersornermut timigissartarnermullu aningaasartuutit tamaasa kommunit pisussaaffigigaat, tamatumunnga atatillugu ersarissunik inatsisini aalajangersagaqariinngippat aningaasartuutit tamakkiisumik ilaannakuusumilluunniit Namminersorlutik Oqartussat allalluunniit pisussaaffigigaat.

Tamatumunngalu ilaliullugu ilisimatitsissutigineqassaaq timersornermut inatsit aamma arlalinnik pisinnaatitsissutinik aalajangersagartaqarmat, taakkualu naapertorlugit Naalackersuisut ersarinnerusunik aalajangersagaliorsinnaammata. Tamanna taamaasiluni atuuppoq § 8, imm. 3-mi tamanut ammasuunissamik aalajangersakkamut atatillugu, § 9, imm. 2 kajumissuseqarluni suliaqarnermut tunngatillugu, § 15, imm. 3 ukiumoortumik timersornermut timigissartarnermullu neqeroorutinut tunngatillugu, kommunip illoqarfiini nunaqarfiinilu aammalu § 16, imm. 5 kommuninit tapiissutinut tunngatillugu.

Naalackersuisut taamaasillutik nalilerpaat timersornermut inatsimmi aalajangersagaqartoq pingaarnertut aalajangersagaasunik timersornerup timigissartarnerullu siuarsarneqarnissaanut, tamanut ammasuunissaanut aamma nammineq piumassutsimik ingerlatsisarnerup siuarsarneqarnissaanik, aammalu kommunip akisussaaffiinik, pisussaaffiinik aamma pisinnaatitaaffinnik sumiiffinni timersornermut timigissartarnermullu ingerlatsinerup tapersorneqarnissaanut atatillugu. Innuttaasut pisinnaatitaaffii taamaasillutik aalajangersakkani taakkunaniipput.

Naalackersuisut pisariaqartingilaat assigiissaakkanik pisinnaatitaaffeqarnissaa pisussaaffeqarnissaalu sunngiffimmi sammisassaqartitsinermi kulturikkut suliassaqarfimmi timersornerup avataani, aammalu sunngiffimmi sammisassaqartitsinermi timersornermut suliassaqarfimmi, taakkua suliassaqarfiit assigiinngitsut marluummata, taamalu assigiinngitsunik pisariaqartitsiviullutik. Tamannalumi aamma pissutaavoq pissusissamisoortinneqarmat timersornerup timigissartarnerullu immikkut Inatsisartut inatsisaatigut aqunneqarnissaanut aaqqissuussisoqarnissaa. Tamatumunngalu atatillugu aamma oqaatigineqassaaq aamma malittarisassani atuuttuni, tassa Kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaat nr. 10, 21. maj 2002-meersumi annertuutigut assigiinngitsunik maleruagassaqarmat, apeqqutaalluni kulturikkut sunngiffimmilu sammisassaqartitsinikkut ingerlatsinerup sua tungaa pineqarnersoq.

Taamaasilluni immikkoortunik kapitaleqarpoq meeqqanut inuusuttunullu kattuffinnut, timersornermut, højskoleqarnermut aamma kulturikkut innuttaasunillu qaammarsaaner-mut tunngasutigut.

### **Fritidshjemmet pillugit**

Kultureqarneq pillugu inatsisissatut siunnersuummi fritidshjemmet immikkut kapitalilerneqarsimasut ataatsimiititaliamit maluginiarneqarpoq:

Kultureqarnermut inatsimmi § 20, imm. 1-2 imatut allassimasoqarpoq:

*“§ 20. Sunngiffimi ornittagaq tassaavoq paaqqinnittarfik sulisut perorsaanikkut ilinniagallit perorsaanikkut siunnerfeqartumik atuarnepup avataatigut meeqqat inuusuttullu atugaannik, peqqissusaannik, ineriartornerannik ilinniarnepup siuarsaallutik suliaqarfigisaat.*

*Imm. 2. Sunngiffimmi ornittagaq atuarfimmik angajoqqaanillu suleqateqarluni atuarfimmi atuartitsinerup sunngiffimmilu ornittakkap akornanni ataqaatigiissumik ingerlatsisoqarnissaanut peqataassaaq.”*

Qulaani pineqartumut oqaaseqaatini imm. 2 ima allassimavoq:

*“Aalajangersagaq nutaajuvoq sunngiffimmilu ornittagaq atuarfimmik angajoqqaanillu suleqateqarnissamik pisussaaffiliisoq, atuarfimmi atuartitsinermit sunngiffimmi ornittakkamut ikaarsaariarnerup*

*ataqatigiinnera peqataaffigissallugu. Tamatumani siunertarineqarpoq meeqqap inuusuttulluunniit sunngiffimmi ornittakkamiinnerani atuarfimiinneratulli meeqqap inuusuttulluunniit ineriartornissaanut atugassarititaasut pitsaanerpaat pilersissallugit."*

Fritidshjemmet perorsaanikkut inerikkiartuutaasumik neqeroorutitut illoqarfiit ilaanni atuarfinni inissinneqartartutut imaluunniit atuarfiit ungasinngisaanni inissinneqartartutut ataatsimiititaliamit paasineqarpoq.

Oqaaseq "perorsaanikkut siunnerfilimmik suliaqarneq" paasiuminaatsutut ataatsimiititaliamit paasineqarpoq. Ilinniagasserinnermut ikuineruva? meeqqat atuarfiani atuartitsinnermut nangitsineruva? imaluunniit qanoq. Oqaatsip "perorsaanikkut siunnerfilimmi suliaqarnerup" erseqqissaatigineqarnissaa ataatsimiititaliamit kissaatigineqarpoq?

#### **Akissut**

"perorsaanikkut siunnerfeqartumik suliaqarfigisaaq" atornerqarpoq § 20, imm. 1-imi imm. 2-miunngitsooq. Paasiuminaassinnaavoq ersernerlullunilu sooq ataatsimiititaliap imm. 2-mut nassuiaatit innersuunneraat.

§ 20, imm. 1-imut nassuiaatini perorsaanikkut siunnerfeqartumik suliaqarnermut atatillugu imaattunik allassimasoqarpoq: "Perorsaanikkut siunnerfeqartumik suliaqarneq paasineqassaaq meeqqap imaluunniit inuusuttuaqqap ilinniarnissaa ineriartornissaalu pinnguarnikkut" ingerlatsinerullu allat aqqutigalugit, tamatumanilu naatsorsuutigineqarluni meeqqap inersimasullu tamarmik piumassuseqarlutik peqataanissaat. Tamatumunngalu tunngaviussaaq aaqqissuussinerit ingerlanneqartut pilersaarusiukkamik aaqqissuussamillu ingerlanneqarnissaat, siunertaralugu meeqqap inuusuttuaqqalluunniit ineriartuutigissagai."

Taamaasillunilu naatsorsuutigineqanngilaq atuarnermut atatillugu ilinniagassanut ikiorsiisoqarnissaa, imaluunniit meeqqat atuarfianni atuarnerpup ingerlanneqareersup ingerlatseqqinneqarnissaa. Imm. 2-mi aalajangersagaq siunertaqarpiarpoq qularnaassallugu atuarfiup sunngiffimmilu ornittakkap akornanni suleqatigiinnissaaq, taamaaliornikkut suliniutit piffinni taakkunani marlunni imminnut tapersersornissaat, taamalu tunngavissiiinissaat pitsaanerpaamik meeqqap imaluunniit inuusuttuaqqap ineriartornissaanut ilikkagaqartarnissaanullu.

Kultureqarnermut inatsisissatut siunnersuummi § 24-mi ima allassimasoqarpoq:

*"§ 24. Sunngiffimmi ornittakkamik atuneq akeqartinneqassaaq (nammineq akiliineq), taamaattoq tak. imm. 3. aamma 4.*

*Imm. 2. Sunngiffimmi ornittakkap agguaqatigiissillugu ingerlatsinnermut aningaasartuutissaatut missingersuusiukkat ilanngaaserneqanngitsut aamma akiliuteqartussap akiliuteqartussalluunniit aningaasaqarnikkut inissisimanerat tunngavigalugit kommunip sunngiffimmi ornittagaataanik atuinissamut nammineq akiliutissaaq aalajangersarneqassaaq.*

*Imm. 3. Nammineq akiliutissap appartinneqarnissaanut kommunalbestyrelse tapiissuteqassaaq. Sunngiffimmi ornittagaq atornerqartoq qanorluunnit isikkoqaraluarpat aningaasat aalajangersimasumik amerlassusillit kommunalbestyrelsimit tapiissutigineqassapput.*

*Imm. 4. Naalackersuisut kommunalbestyrelsimik isumasioqateqareerlutik malittarisassaliussavaat kommunip sunngiffimmi ornittagaani, sunngiffimmi*

*ornittakkami imminut pigisumi sunngiffimmilu ornittakkami namminersortumi meeqqat najugaqarnermut akiliutissaat, tassunga ilanngullugit isertitaqqortussuseq naapertorlugu akiliuteqartarnej, nammineq akiliutissap appartinneqarnissaannut tapiissutit, akiliutissanik akiitsoqalernermi meeqqap ornittakkamiikkunnaarnissaa aamma kommunimi sunngiffimmi ornittakkamik, sunngiffimmi ornittakkamik imminut pigisumik sunngiffimmilu ornittakkamik namminersortumik atorunnaarsitsineq pillugit malittarisassaliussallutik.”*

§ 24 imm. 1-mi qulaani taaneqartumut oqaaseqaatini ima allassimasoqarpoq:

*“24-mut*

*Aalajangersagaq nutaajuvoq suleriaatsimillu aaqquussuussinermit ersisitsilluni.*

*Imm. 1-imut*

*Aningaasartuutit tamakkiisumik ilaannakuusumilluunniit Namminersortutik Oqartussanit allaniilluunniit akilerneqartussaasut pillugit erseqqissumik inatsisitigut tunngavissaqanngippat § 39 tunngavigalugu kulturikkut ingerlatsinermit sunngiffimmilu sammisassaqaqtitsinermit*

*39*

*aningaasartuutit tamarmik kommunimit akilerneqassapput. Tamanna sunngiffimmi ornittakkamik atuinerup akeqartinneqarnissaanut aporfissaliinngilaq.*

*Imm. 3-mut innersuussineq ersiutaasoq tassaavoq, ilaannakortumik atuisunut akiliuteqartitsineq taamaallaat pineqartoq.*

*Imm. 4-mut innersuussinermit ersiutaavoq, sunngiffimmi ornittakkamik atuisunut akiliuteqartitsineq pillugu nalunaarutikkoortumik malittarisassiortoqarsinnaasoq, matumani isertitaqqortussuseq naapertorlugu akiliuteqartitsisarnej pillugit aqutsineq ilanngullugu.”*

2. Tamanna suleriaatsimut “aalajangersagaasoq” ataatsimiititaliamit paasineqarpoq. Kommunip Inatsisitigut ersarissumik tunngavissaqarani sullissinermit akiliisitsisarsinnaanera periarfissaava?

Naalackersuisut taamatut isumaqanngippata:

Fritidshjemmenik atuinermit akiliisitsisarsimasunit akiliutigineqarsimasut innuttaasunut utertinneqarnissaat siunertaralugu kommunit Naalackersuisunit nakkkutilliisoqarfianut unnerluutigineqarniarpat?

## **Akissut**

Nalinginnaasumik siunnersuummut oqaaseqaatini nassuiarneqarput sunngiffimmi ornittakkanut malittarisassat atuuttut. Taakkunani ersippoq sunngiffimmi ornittakkat piffimmi pilersinneqarsimasut ikaarsaariarnermut aalajangersakkat Meeqqanut suli atualin-ngitsunut perorsaankkut ineriartuutaasunik ulluunerani neqeroorutit pillugit Inatsisartut inatsisaat nr. 16, 3. december 2012-imeersumi (Atualernej sioqqullugu inatsit) aalajangersakkat tunngavigalugit.

Sunngiffimmi ornittakkanik atuinermit akiliutinut tunngatillugu § 29, imm. 1-imi atualernej sioqqullugu inatsimmi aalajangersarneqarpoq kommunalbestyrelsit akiliuteqarnissamik piunasaqarsinnaasut meeqqat kommunit atuareernermit neqeroorutiniittarnerannut, malittarisassat Naalackersuisut aalajangersarneqartut naapertorlugit, takuuk imm. 3. Akiliutissaq annertussusilerneqartassaaq kommunip aningaasartuutai aamma akiliuteqartussap aningaasaqarnikkut inissisimanera tunngavigalugit.

Soorlu siunnersuummi § 24, imm. 4-mut oqaaseqaatini nalunaarneqartoq aalajangersagaqarpoq akiliutissat annertussusissaannik perorsaanikkut ineriartuutaasunik ulluunerani meeqqanut atualerneq sioqqullugu neqeroorutaasartunut tunngatillugu, Meeqqanut suli atualingitsunut perorsaanikkut inerikkiartuutaasunik ulluunerani neqeroorutinut akiliuteqartarneq pillugu Namminersorlutik Oqartussat Namminersorlutik Oqartussat nalunaarutaat nr. 3, 4. februar 2011-meersumi. Taamaasilluni § 2 imm. 2-mi aalajangersarneqarpoq, "Meeqqanut suli atualingitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaanni nr. 10-mi, 5. december 2008-meersumi § 31, imm. 3 naapertorlugu sunngiffimmi ingerlataqarnermik aaqquussineq pillugu Inatsisartut inatsisaata akuerineqarnissaata tungaanut sunngiffimmi ornittakkaniinnermut akinik immikkut aalajangersaasoqarsinnaavoq". Taamaasilluni pisariaqartumik aalajangersakkamik pilersitsisoqarsimavoq sunngiffimmi ornittakkamiititsineranut atatillugu annertussusilerikkamik akiliuteqartitsisarnissamut.

§ 24, imm. 1-imi nalunaarneqarmat aalajangersagaq nutaajusoq, kisiannili periaatsimik atortooreersumik allaganngorlugu malittarisassiornerusoq, tamanna isigineqassaaq inatsisitigut aalajangersakkanik pisussaaffeqariinngimmat, atuisup nammineq akiliuteqarnissaanut akiligassiisuteqartarnissamut, kisiannili kommunit akiliuteqartitsisarneq pillugu nalunaarut naapertorlugu akiliutaasussamik annertussusiliisarnerannik, sunngiffimmi ornittakkanik atuineranut tunngatillugu, isertitat tunngavigalugit annertussusilligaasumik.

4. "Suleriaatsip" taassuma qanoq annertutigisumik atornerqarnera Naalackersuisunit nassuiarneqassasoq ataatsimiititaliamit kissaatigineqarpoq, sumiiffinni qassini atuuppa? Qanoq annertutigisumik? Aammalu aningaasat qassit eqqartorneqarpat?

#### **Akissut**

Qaasuitsup Kommuniani, Qeqqata Kommuniani aamma Kommuneqarfik Sermersuumi immikkut sunngiffimmi ornittakkanik – fritidshjem-inik - atuineranut annertussusilikkanik akiliutissanik aalajangersagaqarpoq. Akiliutaasussat annertussusissaat kommunit qup-persagaanni tamanut takusassiaapput. Ilanngunneqarput akiliutaasartut annertussusiniut nalunaarsuiffiit quppersakkanik anillatsitat.

Kommune Kujalleq ilisimatitsissutigineqartut naapertorlugit fritidshjem-iuteqanngilaq.

5. Suleriaatsip taassuma attuunnera qanoq kommuninit uppersaasorsorneqarpa?

#### **Akissut**

Takukkit apeqqutinut 3-mut 4-mullu akissutit.

6. Fritidshjemmenik atuineranut akiliisitsisarnissap annertussusissaa Naalackersuisunit qanoq takorloorneqarpa?

#### **Akissut**

Soorlu siunnersuummi § 24, imm. 4-mi ersittoq Naalackersuisut kommunalbestyrelsinit tamanna pillugu isumasioreerlugit aalajangersartarpaat malittarisassat meeqqat kom-

munit sunngiffimmi ornittagaataanniinnermut atuuttut, sunngiffimmi ornittakkanut immi-  
nut pigisunut atuuttut aamma sunngiffimmi ornittakkanut namminersortunut atuuttut,  
tamatumani ilanngullugit aamma isertitanik naleqqussaasarneq aamma tapiissutissat  
nammineq akiligassamik annikinnerulersitsisartut.

Malittarisassanik aalajangersaanerni aallaaviusussaapput siunnersuummi § 24, imm. 2  
aamma 3. Imm. 2-mi aalajangiunneqarpoq, nammineq akiligassap annertus-  
susilerneqarnerani, kommunit sunngiffimmi ornittakkanik ingerlatsinermut aningaasartu-  
utissanut missingersuusianaanni agguaqatigiissitsineq aallaaviusassasoq, aammalu akili-  
uteqartussani aningaasaqarnikkut qanoq inissisimaneq. Imm. 3-mi aalajangersar-  
neqarpoq kommunalbestyrelse tapiissuteqartassasoq nammineq akiliutissap appar-  
neqarnissaanut, aammalu tapiissut assigiimmik annertussusilerlugu tunniunneqartassa-  
soq, sunngiffimmi ornittakkat qanoq ittulluunniit atornerqaraluarpata.

Nammineq akiligassap annertussusissaa taamaasilluni piffissami matumani aalajanger-  
simasumut inissitaanngilaq, aammalu kommunimiit kommunimut assigiissanani,  
apeqqutaalluni sunngiffimmi ornittakkanut atatillugu aningaasartuutissanut missinger-  
suusiat agguaqatigiissinneri kommuniini, aamma kommunit nammineq akiliutissap ap-  
parsarnissaanut tapiissutaasa annertussusiat.

7. Apeqqut 4 tunngavigalugu Atuinnermut akiliisitsisarneq pillugu ilimagineqartut  
naapertorlugit Naalakkersuisunut uku nalilersorneqarnissaat ataatsimiititaliamit  
qinnutigineqarpoq:

- a) Angajoqqaanut ullumikkut atuinnermut akiliuteqartartunut aningaasatigut  
kingunissaritinneqartut.
- b) Angajoqqaanut ullumikkut atuinnermut akiliuteqarneq ajortunut  
aningaasatigut kingunissaritinneqartut.

#### **Akissut**

Nalilerneqarpoq apeqqut akineqarsinnaanngitsoq, malittarisassiortoqarsimatinnagu,  
aammalu suli kommunit inuit namminneq akiliutissaannut tapiissutissaat  
ilisimaneqalersinnagu.

Kisiannili siunnerfiunngilaq malittarisassat namminneq tunngaviussasut inuit nammineq  
akiligassaasa annerusumik allannguuteqartinnissaannut.

8. Kommunit fritidshjemmenik atuinnermut  
akiliutitseqartitsilerpata/akiliuteqartitsissappata inuttut atugarisanut qanoq  
sunniuteqarnissaanik Naalakkersuisut naliliisimanagerat ataatsimiititaliamit  
qinnutigineqarpoq. Inuttut atugarisanik ajornerulersitsinissaanik ataatsimiititaliap  
erngumassutigisaat Naalakkersuisut erngumassuteqarnerisut.

#### **Akissut**

Akigititat atuuttut isertitanut naapertuuttumik naleqqussarneqartarput, taamatullu siunis-  
sami akigititat aamma aqqissuunneqartassallutik. Akigititat atuuttut naapertorlugit aki-  
liuteqartartussat isertitatigut ammut killiliussat ataallugit isertitaqartartut akiliineq ajorput.  
Killiliussaq aamma akigititat kommunimiit kommunimut assigiinngillat.

Naalakkersuisut tunngavissaqanngillat naatsorsuutigissallugu kommunit sunngiffimmi  
ornittakkanik atuinnermut akiliutinik malunnaatilimmik allannguinnissaannik.



9. Kommunit fritidshjemmenik atuinnermut akiuteqartitsissappata meeqqat atuariat aamma fritidshjemmet immikkoortinneqarnissaat pillugu Naalackersuisut isumaqataappat, sulisut immikkut atorfinitsinngikkaluarlugit immikkoortinneqarnissaat, atortussat immikkoortinneqarnissaat, taamaaliornikkut fritidshjemmet atuarifillu il.il akornanni paarlaateqatigiittoqarsinnannginnera tamatumani ilanngullugit?

### **Akissut**

Naalackersuisut tamatumunnga isumaqataanngillat.

Siunnersuutip §§-iini 20-22 malittarisassanik aalajangersaasoqarpoq sunngiffimmi ornittakkat qanoq paasineqassanersut pillugu. Taamaasillunilu § 20, imm. 1-imi ersippoq pineqartut tassaasut perorsaaviumik ingerlatsiviit, perorsaanermut tunngasutigut ilinniarsimasunik sulisoqartut, atuareernerup kingorna meeqqanut inuusuttuaqqanullu siunerfilersukkanik sullissisartunik sulisoqartut, atugarissaarnissamik, ineriartornissamik ilinniagaqarnissamillu siuarsaasunik. § 21, imm. 1-imi aalajangersarneqarpoq ingerlatsiviit qanoq ingerlanneqassanersut, aammalu § 22-mi aalajangersarneqarluni sunngiffimmi ornittakkat tigussaasumik qanoq avatangiiseqassanersut. Taamaasillunilu inatsisitigut qularutissaanngilaq sunngiffimmi ornittakkat – fritidshjem-it – meeqqat atuariannut ilaanngitsut.

Siunnersuummi malittarisassanik aalajangersagaqanngilaq sunngiffimmi ornittakkap meeqqallu atuariata akornanni sulisutigut atortutigullu paarlaasseqatigiittoqartarsinnaanngitsoq. Kisianni sunngiffimmi ornittakkamut akuersissuummi ersarissumik nalunaarsorneqarsimassaaq qassinik sulisoqarnersoq. Aammalu uppersarneqassaaq immikkualuttortalersukkamik sulisunut ataasiakkaanut atatillugu suliffiusartut, suliffiup suatunngaa / akissarsiani suut meeqqat atuarianni sulinnermit aamma sunngiffimmi ornittakkami sulinnermeersuunersut.

Meeqqat atuarianni aammalu sunngiffimmi ornittakkami anguniakkat pingaarnerit Naalackersuisut isumaat naapertorlugu tassaapput meeqqanut ataasiakkaanut namminernut ineriartornissamut periarfissat pitsaanerpaat, taamaattumillu inatsimmi peqqussuteqartoqarani sulisuusut qanoq eqaatsumik iluaqutigineqassanersut, anguniakkat angusinnaajumallugit.

Kultureqarnermut inatsisissatut § 24, imm. 2-mi ima allassimavoq

*"Imm. 2. Sunngiffimmi ornittakkap agguaqatigiissillugu ingerlatsinermut aningaasartuutissaatut missingersuusiukkat ilanngaaserneqanngitsut aamma akiliuteqartussap akiliuteqartussalluunniit aningaasaqarnikkut inissisimanagerat tunngavigalugit kommunip sunngiffimmi ornittagaataanik atuinissamut nammineq akiliutissaq aalajangersarneqassaaq."*

Oqaaseq "atuinissamut nammineq akiliutissaq" aalajangersakkanut oqaaseqaatini erseqqissumik killilerneqarsimangilaq.

### **Akissut**

§ 24. imm. 2-mut oqaaseqaatini ersippoq pineqartut tassaasut agguaqatigiissitsilluni ingerlatsinermut aningaasartuutit tamarmiusut, kommunimi sunngiffimmi ornittakkami ataatsimut isigaluni.

Ingerlatsinermut aningaasartuutit tamarmiusutut paasineqarput sunngiffimmi ornittakkap ingerlanneqarneranut aningaasartuutit. Aningaasartuutit suut ilaatinneqarsinnaanersut pillugit nalilersuinermit tunngaviupput aningaasartuutaasunut siunertat. Tamakkiisumik nalunaarsuiffeqanngilaq aningaasartuutit suut

ilanngunneqarsinnaanersut pillugu. Taakkua tassaasinnaapput sulisut, paarlattaasartut sulisullu allat akissarsiaat, sulisut qassiunerisa nalunaarsorneqarneranni ilaasut, illuutitut tunngasumik aningaasartuutit, aserfallatsaaliinermut aningaasartuutit, pequtisisarnermut aningaasartuutit, pilersuinermut eqqiaanermullu aningaasartuutit, sunngiffimmi ornittakkap ingerlanneqarneranut aningaasartuutit allaffissornerlu.

Naalackersuisut isumaliutigaaat kommunit isumasioqatigalugit oqaloqatigiissutigineqassasoq malittarisassat qanoq ittut tunngavigalugit agguaqatigiissitsilluni aningaasartuutit nassaarineqartassanersut.

10. Kommunit fritidshjemmenut aningaasartuutaasa aamma kommunit meeqqat atuariinut aningaasartuutaasa erseqqissumik immikkoortinneqarnissaat Naalackersuisunut qanoq takorloorneqarpa? Tamatumani immikkut pineqarput, kallerup inneranut, imermut, kiassarnermut eqqiaanermut il.il aningaasartuutit:

- Fritidshjemmet atuarfillu illutamikkut ataatsimut inissisimappata
- Fritidshjemmet ininik piffissap ilaatigut atuartitsinermut atorneqartartunik ataatsimut atugaqarpata.

#### **Akissut**

Illuutit atuartitsinermut aammalu sunngiffimmi ornittakkamik ingerlatsinermut atorneqartarpata kommunip aalajangersaavigissavaa uppersarsarlugulu, agguaaassisarnermi naatsorsueriaaseq qanoq ittoq atorneqarnerasoq, ingerlatsinermi aningaasartuutit agguarneqartarneranni, meeqqat atuariannut tunngasutut aamma sunngiffimmi ornittakkamik ingerlatsinermut tunngasutut. Kommunini ataasiakkaani agguaaassinissamut periaatsit assigiinngissuseqarsinnaapput, uuttuutit (málerit) assigisaallu qassiuneri il.il. pissutaallutik.

Naalackersuisut kommunalbestyrelsit isumasioqatigereerlugit naatsorsuisarnermut maleruagassanik suliaqarniarput, takuuk apeqqummut 9-mut akissut, soorluli killiligassat pineqartutut ittut aamma ilaajumaartut.

11. Ullumikkut nunatsinni atuarfinni atuartut atuareernerup kingorna atorsinnaasaanik Perorsaanikkut ineriartuutaasumik assigiinngitsunik arlalinnik neqerooruteqarpoq. Taaguutinut ataani allassimasunut inatsit neqeroorutinilu suleriaaseq pillugit Naalackersuisut ataatsimiititaliamit Naalackersuisunut ersarissumik nassuiaateqarnissaat qinnutigineqarpoq:

- a) Skolepasninginut
- b) AKO
- c) Fritidshjemmenut
- d) Fritidsklubbinut

#### **Akissut**

##### **a) Skolepasningsordningi**

*Inatsisit:*

Atuarfik pillugu Inatsisartut inatsisaat nr. 15, 3. december 2012-imeersumi § 1-imi aalajangersarneqarpoq Meeqqat Atuarfiat kommunip atuariutigigaa, meeqqanut inuusutunullu atuarinneqartussaataitaasunut, § 31, imm. 1 aamma 2 naapertorlugit akeqanngit-

sumik neqerooruteqartussa q ukiuni 10-ni atuartitsinissamik, taamaattoq § 31, imm. 3 naapertorlugu.

Atuarfik pillugu inatsimmi § 31, imm. 1-imi atuartaasussaataaneq pillugu aalajangersarneqarpoq atuartaasussaataaneq meeqqat atuarianni ukiumi atuariusumi meeqqap 6-inik ukioqalerfigisaani atortuulertartoq, taamaattarlunilu meeqqap ingerlaavartumik ukiuni 10-ni atuartaoreernerani.

Atuarfik pillugu inatsimmi § 10, imm. 7-imi aalajangersagaqarpoq perorsaanikkut nammineq piumassutsimik aqqissuussaasumik suliniutaasartussat pillugit. Taamaasilluni aalajangersarneqarpoq: " Sapaatip akunnerata ulluini siullerni tallimani, nal. 8-miit 16-imut, atuartut, imm. 1-imi atuartinneqarnerup eqqartorneqartup nalinginnaasup sania-tigut, perorsaaneq tunngavigalugu namminneq piumassusertik naapertorlugu peqataaf-figisinnaasaminnik neqeroorfigineqarsinnaapput." § 10, imm. 7-imut oqaaseqaatini nalin-ginnaasuni ersippoq aalajangersakkap aqukkaa atuartut atuarnissaq sioqqullugu atua-reerner milu suliniutinik ingerlatsisarnernut neqeroorfigineqartassasut. "Sammisani pe-rorsaanermi anguniakkat siumut aalajangersarne-qariissapput atuartitsinermullu pinngit-soorani ingerlanneqartussamut ilassutaassallutik. Assersuutigalugu suliaqarnermi nipi-lersornermi atuartut annertunerusumik sammisani paasiniaanissaannut periarfissin-neqassapput, aammalu ilinniagassanut il.il. tapersiinerit pineqassallutik. Aalajangersa-gaq taamaalilluni atuariimmi paaqqinnittarnermik aqqissuussinissap pilersinnissaanut pisinnaatitsissutaanngilaq. Taamaalilluni aalajangersakkami taamaallaat qulakkeer-neqassaaq atuartitsinerup pinngitsoorani ingerlanneqartussap siorna kingornalu tiimit pitsaassusissaannik atuartunut neqerooruteqarnissamik periarfissiinissaq. Aalajanger-sakkami aamma siunertaanngilaq sunngiffimmi sammisat pillugit inatsimmi pisin-naatitsissutit atorlugit neqeroorutaasinnaasut annikillisinneqarnissaat."

Kiisalu ilisimatitsissutigineqarpoq "Aalajangersagaq meeqqat atuariannik kingullermik aqqissuusseqqinnermut atatillugu ilanngunneqarpoq, tassani siunertaalluni atuarianni paaqqinnittarnermik aqqissuussinerup taarserneqarnissaa, tassani meeqqat atuareer-nerup kingorna perorsaanikkut aqqissuussanik namminneq piumassusertik malillugu sammisaqartinniarlugit inissinneqartarlutik. Aalajangersagaq isumaqarpoq atuariit ulluinnarni ullut arfinilissaannik atuinissamik toqqaasut nammineq piumassuseq malil-lugu aqqissuussanik sammisaqartitsinissamik atuartunut neqerooruteqarsinnaan-ngitsut. Tamassumunnga tunngavilersuutaavoq meeqqat arfininngornermi atuareerne-rup kingorna pisariaqartitsinnginnissaannik naliliineq, tassa angajoqqaat arfininngorner-mi sulinnginnissaat ilimagineqarmat."

Atuariup atuartitsinera, tamatumani aamma § 10, imm. 7-imi eqqaaneqartut perorsaa-nermut aqqissuussamik nammineq piumassutsimik suliniutit, atuarifik pillugu inatsimmi § 1 naapertorlugu akeqanngillat. Taamaattumillu ingerlatanut pineqartunut tunngatillugu akiliisitsiniartoqarsinnaanngilaq.

Atuarifik pillugu inatsit aamma aalajangersagartaqanngilaq pisinnaatitsisumik ingerlata-nut paarsinertut ittunut, atuarnerep nalaani imaluunnit atuarnerep avataani akiliisitsis-sutiginiarneqarsinnaasunik.

Skolepasningit suli kommunini sisamani nassaassaapput.

Qaasuitsup Kommunia, Qeqqata Kommunia aamma Kommune Kujalleq skolepasningit pillugit namminneq quppersakkaminni imatut allapput:

*"Skolepasningi paarsinissamut neqeroorutaavoq meeqqanut tamanut 6-it aamma 9-it akornanni ukiulinnut. Nalinginnaavoq skolepasningi ammasarmat nal. 07:00-ip aamma 17:00-ip akornanni, meeqqat periarfissaqaqqullugu paarineqarnissamut atuarfik sioq-qullugu aamma atuareernermi, illit sulininni.*

*Skolepasningi nammineq piunassutsimik neqeroorutaavoq.*

*Illoqarfinni tamani skolepasningimik aaqqissuussineqarpoq, aamma nunaqarfinni amerlanerni, atuarfimmi namminerimi imaluunniit sunngiffimmi sammisassaqaqtitsivimmi.*

*Meeqqat paarineqartassasoq kissaatigigukku kommunit saaffigisinnaavaat imaluunniit sumiiffimmi namminerimi skolepasningi.*

**Malugiuk**

*Illit kommunit piginnaanilinnik pisortassanik sulisussanillu skolepasningimi sulisussarsisarmat. Tamannalu ilaatigut isumaqarpoq kommunip sulisussat atorfinitsinnginnerini skolepasningimi takoqqaartussaammagu inuup pineqartup pinerluuteqarsimannginnermut uppersaataa. .*

*Meeqqat 9-it sinnerlugit ukioqaruni periarfissaraa fritidshjem-imi akiliuteqartarnikkut paarineqartarsinnaaneq."*

Kommuneqarfik Sermersooq skolepasningi pillugu imatut allappoq:

*"Nakkutillineq*

*Paaqqinnittarfimmiisitsinerimi meeqqat paaqqinniffiup initaaniitsillugit nakkutigineqartarput. Erseqqissaassutigineqassaaq atuartunik paaqqinniffik Fritidshjemminut assersuutaassanngimmat. Meeqqamik ajornartorsiuteqalissagaluarpat isumaginninnikkut perorsaanerimik annerusumik malitseqartinneqassanngilaq. Pingaarpoq meeqqat kallerreqaartinnagit sianerluni angerlaqqusisarneq sulisunut kalerriutigineqartassamat. Atuarsimanngitsut paaqqinnittarfimmeeqqusaanngillat."*

Kommuneqarfik Sermersoorlu aamma nalunaarpoq AKO-mik aaqqissuussinerup atorluerneratigut kommunimi skolepasningsordningeqarunnaartoq, taamaattoq illoqarfinni Nuup avataaniittuni suli aaqqissuussineq atuuttoq.

**b) AKO atuareernerup kingorna ornittakkat**

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik Kommuneqarfik Sermersuummiit ilisimatitsissummik tigusaqarsimavoq kommunimi AKO-mik aaqqissuussinerimik taaneqartoq pillugu.

AKO tassaavoq naalisaaneq, Atuareernerup Kingorna Ornittakkat. Tassani pineqarpoq aaqqissuussineq Kommuneqarfik Sermersuumi kommunalbestyrelsip aalajangiussimasaa atortuulersinniarlugu 1. arts 2016-imiit.

AKO atorlugu maanna atuarnermut atatillugu paarsisarnermik aaqqissuussinerit 11-it aamma fritidshjem-it paasissutissiissutigineqartut naapertorlugit allanngortinneqassapput ataatsimut paarsisarnermik aaqqissuussinernut tallimanut (AKO). Pilersaarutaavoq Nuummi meeqqat atuarfiinut tamanut AKO-mik atasoqassasoq, aammalu AKO-t tamarmik ulluinnarni pisortaqaassasut. AKO aqunneqassaaq ingerlarsivimmiit, ingerlatsiviullu anguniagaraa AKO-mi sulisut amerlassusissaannut assigiinnik malittarisassaqaassasoq. Kiisalu aamma neqeroorutit nutaat angajoqqaanit akilerneqartassasut, akiliulli isertitat naapertorlugit aaqqissuussaassaaq.

Aaqqissuussinerup siunertaraa ilisimatitsissutigineqartut naapertorlugit kissaatigineqarmat perorsaanikkut assigiissaakkamik paarsisarnermi neqerooruteqarnissaa, kommunip meeqqanut atuarnut nukarlernut neqeroorutaani, taamaasilluni meeqqat pitsaanerpaanik atugassaqaarsinnaaqullugit inuttut ilivitsutut inuulluarnissamut periarfissaqartutut ineriartornissamut. Kiisalu ingerlatsiviup kissaatigaa meeqqanut atuarnut neqeroorutit assigiissaarneqarnissaat, imminullu ataqatigiinnerusumik ulluinnarni atugassaqaarnissaat. Assigiissaarinikkullu aamma nukit piusut pitsaaneruserumik iluaqutigineqarsinnaapput.

Ingerlaqqilluni ilisimatitsissutigineqarpoq paarsisarnermik neqeroorutikkut nutaakkut angajoqqaanut paasiuminernerulissasoq:

Paarsinissamut neqeroorut suunersaq.

Qanoq akeqarneraq.

Allaffissornikkut sumut saaffiginnittoqassanersaq.

Paarsisarnermik neqeroorut perorsaanikkut qanoq ittunik imaqarneraq.

Soorluli aamma AKO makkuninnga tunniussaqaassasoq:

Paarsisarnerup aamma atuarfimmik neqeroorutip akornanni atuarnut nukarlernut pitsaaneruserumik suleqatigiittoqarnissaa.

Ulluunerani paaqqinniffimmiit atuarfimmut ikaarsarneq pitsaaneruseraq.

Paaqqinniffimmi nukinnik pitsaaneruserumik iluaquteqarneq aqutsinerlu.

AKO-p perorsaanikkut imarisai pillugit ilisimatitsissutigineqarput:

*"Neqeroorummi nutaami siunertaasut pingaarnepaat ilagaat qularnaassallugu qaffasisumik assigiissaakkamillu pitsaassuseqartitsinissaq perorsaanikkut paarsisarnermik aaqqissuussinerup imarisai neqeroorummi eqqarsaatigalugit, kommunip atuarnut nukarlernut neqeroorutigisaani, taamaaliornikkut meeqqat pineqartut inuttut ilivitsutut inuunermullu sapiutinningsutut ineriartorsinnaaqullugit. AKO-mi sulianut anguniakkat aallaaveqarput ulluunerani paaqqinnittarnermut neqeroorutinut tunngasumik inatsisinik (§ 2 Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersaq).*

AKO-p perorsaanikkut anguniagai tassaapput meeraq qitiutillugu sulinissaq, qularnaassallugulu meeqqap pineqartup nammineq pisinnaatitaaffii ataatsimooqatigiittuni peqataanissaminut. Meeqqap tamatigoortumik ilivitsutullu ineriartornissaa taperserorneqassaaq toqqissisimasumik ineriartuutaasumillu avatangiiseqartitsinikkut, tassanilu inersimasunut aalajaatsunut attaveqarneq tunngaviussalluni, meeqqap pissutsit ataqatigiinnerannik, inuulluarnissaanik ineriartornissaanillu sullissinermi, inuttut aamma suleriaatsini. AKO-p pisussaaffigaa meeraq sapinngisamik annertunerpaamik inuunerup

*naleqassusianik misigitissallugu, peqataassallunilu inuttut inooqataasutut piginnaasasaanik ineriartortitsinermi. Tamatuma qularnaarneqarnissaani tunngaviupput pingaartorsiunngitsumik ilikkariartortitsineq, pinnguarnikkut ilinniarneq taakkunani pingaartutut ilaalluni.*

*Meeqqanut perorsaanikkut suliniutit eqqarsaatigalugit AKO nutaaq ukiumoortumik pilersaarutit tunngavilimmik suliniassaaq. Tamanna ingerlanneqartassaaq ingerlatsiviup tunngaaniit immikkut sammisassanik aaqqissuisoqartarneratigut. Sammisassallu tunnga-viusassapput paaqqinniffiusuni perorsaanikkut suliniutinut.*

*Ingerlatsivinnut namminernut pisussaaffiuvoq ingerlatsiviup perorsaanermik suliaqarnermini tunngavissai oqaasertalersorlugillu allaaserissallugit. Ukiumoortumik ingerlatsiviit tamarmik pingaarnertut anguniakkaminnik allaaserinnittassapput, ukioqatigiiaanut immikkoortitsikkanik anguniagassaliortassallutik, iliuusissanik / suliniutissanik taakkunungalu uuttuutaasussanik aalajangersaasassallutik. Uuttuutaasussanik aalajangersaaneq isumaqarpoq suliniutit nalilersorneqalerpata, assersuutigalugu qaqqamut angalaarneq, taava uuttuutaasussanik aalajangersaasoqassasoq qaqqamut angalaarnermi siunertassut naammassineqarsimanersut nalilersorsinnaajumallugu. Utuisarneq ersersitsiniasaq iliuusaasoq sioqullugu pissutsiniit allannguuteqartoqarsimanersoq. Takuuk ilanngussaq 2, sammisassanut ukiumoortumillu pilersaarusiortarnernut tunngasutigut anertunerusumik paasisaqarumalluni. Tunngavisoq pingaartoq alla tassaavoq AKO-t nutaaq maanna aaqqissuussinerniit aaqqissuussinerit nutaat atuarfinnut atanerunissaat. Tamanna isumaqarpoq ikaarsaariarneq suleqatigiinnerlu neqeroorutit marluk pineqartut akornanni atuartunut iluaqutaanerussasoq."*

*Inatsisit tunngavigineqartut pillugit aammalu pappialaatit killiliussat pillugit nalunaarneqassaaq:*

*"Atuarfik pillugu Inatsisartut inatsisaat nr. 15, 3. december 2012-meersaq aamma Inatsisartut inatsisaat nr. 16, 3. december 2012-meersaq Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat".*

*"Fritidshjem-it aamma skolepasningi – maanna sunngiffimmi neqeroorutini*

*Ulluunerani meeqqerivinnut immikkoortortap allaffissornikkut aqutarai kommunip fritidshjemii, inatsisitigut Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, ulloq 3. december 2012 meersaq naapertorlugi. Fritidshjem-it tassapput 6-iniit 13-inut ukiulinnut saaffiginnittut, isertitallu naapertorlugit annertussusilerikkanik akiliuteqartoqartarluni. Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, ulloq 3. december 2012 meersumi § 32, imm. 3-mi allassimavoq: "Sunngiffimmi sammisaqartitsinerup aaqqissugaanera pillugu Inatsisartut inatsimmik atuuttulersitsinissaasa tungaannut kommunalbestyrelsip suli pisussaaffigivaa meeqqat 7-iniit 15-inut ukiullit fritidshjemminut innersuuttarnissaat," Taamaattumi immikkut meeqqanut 7-15-inik ukiulinnut fritidshjem-iniittartunut inatsisitigut sulisussanik annertussusiliisoqanngilaq. Ulluunerani paaqqinnittarfeqarnermut immikkoortortap toqarsimavaa meeqqerivinni sulisut amerlassusissaannut aalajangersakkat tassani ator-tuutissallugit. Sulisut amerlassusissalersuineq imaappoq:*

*Ataatsimoortarfimmi ataatsimi meeqqat amerlanerpaamik 20-it, tassanilu sulisuusassanut aalajangersakkat imaallutik:*

*Perorsaasoq*

*Meeqgerisoq / perorsaasumut ikiorti  
Ikiorti.*

*Sunngiffimmi sammisassaqtitsinermut immikkoortortamit kommunip skolepasningianik ingerlatsisuusarput. Skolepasningi 1. – 3. klasse-nut atuuttuupput, neqeroorutillu akeqaratik. Ammasarfiit (ataasiakkaani allaanerusinnaapput) nal. 7-17. Skolepasningimi inatsisitigut aalajangersakkanik sulisut amerlassusiligaanngillat. Sunngiffimmi sammisassaqtitsinermut immikkoortortami aalajangerneqarsimavoq meeqqanut qulinut sulisoq ataasiusassasoq. Inatsisartut ilitersuutaanni ulluunerani ingerlatsivinnik piler-sitsisarnernut, pequtsersuisarnernut, aqutsinernut ingerlatsinernullu allassimavoq immikkoortoq 2-mi ulluunerani ingerlatsiviit aaqqissuussamik nakkutigineqanngitsut pillugit imm. 3-mi:*

*Meeqqanut 15-inut sulisoq ataaseq.*

*Malittarisassaqaanngilaq inimi ataatsimoorfiusartumi meeqqat qassiusinnaanerat pillugu. Skolepasningi sunngiffimmi neqeroorutaavoq fritidsklubbitulli, taakkualu ammasarput nal. 18-19-imiit nal. 22-23-ip tungaanut, inatsisitigullu piumasaqaateqarani sulisut amerlassusissaannut perorsaanikkullu qanoq imaqaarnissaannut.”*

AKO-mut tunngasunik paasissutissanik allanik Kommuneqarfik Sermersuup quppersagaani pissarsisoqarsinnaavoq. Ilangunneqarpoq annerusumik paasissutissiissutitut kommunip ilisimatitsissutaata assilinqarnera 23. november 2015-imeersoq, aaqqissuussinerup eqqunneqarneranut tunngasoq.

Kommune paasiniaavigineqarnermigut ilisimatitsivoq aaqqissuussineq aamma atortuulertoq 1. marts-imiit, taamalu Nuummi skolepasning atorunnaartoq, kisiannili taamaallaat fritidshjem-imik aaqqissuussineq, ilutigisaanillu atuisut akiliutaat annikillineqarsimasoq Aaqqissuussineq taamaallaat 1.-3. klasse-nut atuuppoq atuarenermi matunissaata tungaanut (nal. 17) paaqqinniffittut. Meeqqanut 4.-7. klasse-nut fritidshjem-ini neqeroorut atuuppoq.

*Inatsisit:*

Paaqqinnittarnertut aaqqissuussineq atuisut inatsisit aalajangersagaat naapertorlugit akiliuteqarfiusinnaasoq tassatuaammatt fritidshjem-i, AKO-mik aaqqissuussineq fritidshjem-itut isigineqassaaq, aaqqissuussineq inatsisit iluanni aaqqissuussinerussappat.

AKO-mik aaqqissuussinerup nalilersorneqarnerani taanna fritidshjem-itut isigineqassanersoq aalajangiisuunngilaq. Aalajangiisuusorli tassatuaavoq neqeroorut piumasaqaatinik naammassinninersoq, fritidshjem-itut sigineqarsinnaassaguni.

Malittarisassat isiginiaraanni fritidshjem-it pillugit malittarisassiortoqarsimannngilaq, ikaarsaariarnermi malittarisassat inatsimmi atuafik sioqqullugu aalajangersakkanut tunngasoq eqqaassanngikkaanni, kiisalu annertussusilerikkannik fritidshjeminiittitsinermut akiliuteqartarnissaq pillugu akiliuteqartitsisarnermut nalunaarummi aalajangersakkat saniatigut.

Naalackersuisoqarfiup nalilerpaa AKO-mik aaqqissuussineq allaaserineqartutut fritidshjem-inut killiliussat atorunnaarsinneqareersup ulluunerani paaqqinnittarfeqarnek pillugu peqqussutit iluaniittoq, aaqqissuussinerlu taamaasilluni sunngiffimmi sammisassaqtit-

sinermut neqeroorutitut isigineqarsinnaasoq, taamalu inatsisit atuuttut iluanniittoq.

*Ileqqut:*

Naalakkersuisut ilisimasaqarfiginngilaat AKO-mik aaqqissuussinerup kommunini allani atornerqarnera.

#### c) fritidshjem-it

*Inatsisit:*

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. december 2012-meersoq aamma imaqarpoq perorsaanikkut ineriartuutaasunik meeqqanut suli atualingitsunut neqeroorutinik, inatsimmi § 3, imm. 2-mi taaneqartunik meeqqat 0-6-inik ukiullit, imaluunniit meeqqat atuarfianni atualertussaanerup aallartinnissaa sioqqullugu.

Atualernissaq sioqqullugu inatsilli aamma piffissamut ikaarsaariarfiusumut aalajangersakkamik imaqarpoq, fritidshjem-inut tunngasunik (§ 31, imm. 3). Aalajangersakkamilu imaattunik aalajangiussisoqarpoq: "Sunngiffimmi sammisaqartitsinerup aaqqissugaanera pillugu Inatsisartut inatsimmi atuuttuulersitsinissaasa tungaannut kommunalbestyrelsip suli pisussaaffigivaa meeqqat 7-iniik 15-inut ukiullit fritidshjemminut innersuuttarinnissat, tak. § 8, imm. 1. Kommunalbestyrelsi utaqqisunut allassimaffiliussappat meeqqat taakku ataatsimoortunut b-nut ilanngunneqassapput, tak. § 9, imm. 1, nr. 2."

Taakkua saniatigut annertussusilerikkamik akiliuteqartitsisarneq pillugu aalajangersagaqarpoq fritidshjem-iniinnernut tunngatilugu Meeqqanut suli atualingitsunut perorsaanikkut inerikkiartuutaasunik ulluunerani neqeroorutinut akiliuteqartarneq pillugu Namminersorlutik Oqartussat Namminersorlutik Oqartussat nalunaarutaat nr. 3, 4. februar 2011-meersumi.

Taamaasillunilu § 2, imm. 2-mi aalajangersarneqarpoq: "Meeqqanut suli atualingitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaanni nr. 10-mi, 5. december 2008-meersumi § 31, imm. 3 naapertorlugu sunngiffimmi ingerlataqarnermik aaqqissuussineq pillugu Inatsisartut inatsisaata akuerineqarnissaata tungaannut sunngiffimmi ornittakkaniinnermut akinik imikkut aalajangersaasoqarsinnaavoq." Taamaasillunilu tamatumuuna pisariaqartumik inatsisitigut tun-ngavissaqartitsisoqalerpoq fritidshjem-it atornerannut atuisut akiliuteqartarnissaannut.

Fritidshjem-it meeqqat suli atualerneqanngitsut 2008 inatsisip akuerineqarnissaata tunngaanut Ulluunerani paaqqinnittarfeqarnermut, ullukut paaqqinnittarneq – dagpleje il.il. pillugit inatsisartut peqqussutaat nr. 7, 21. maj 2002-meersoq atuuppoq. Tamanna inatsimmut oqaaseqaatini § 1-imut ersippoq, tassani nalunaarneqarmat ulluunerani paaqqinnittarfiit tassaasinnaasut vuggestuet, børnehavet aamma fritidshjem-it. Peqqussut atorunnaarsinneqarpoq Meeqqanut suli atualingitsunut perorsaanikkut inerikkiartuutaasunik ulluunerani neqerooruteqartarneq pillugu Inatsisartut peqqussutaat nr. 10, 5. december 2008-meersumi § 31, imm. 3 nr. 1-imi.

*Ileqqut:*

Qaasuitsup Kommuniani, Qeqqata Kommuniani aamma Kommuneqarfik Sermersuumi fritidshjem-eqarpoq.



Qaasuitsup Kommunianut, Qeqqata Kommunianut aamma Kommune Kujallermut tunngatillugu fritidshjem-ini neqeroorutit pillugit allanik aallaaserisaqartoqarpassinngilaq, skolepasning-imut neqeroorutini nalunaarneqarsimasut saniatigut. Kommune Kujalleq nalunaarpoq fritidshjem-eqartoq, kisiannili ippassaq Naalakkersuisqorfimmut nalunaarluni fritidshjem-inik neqerooruteqanngitsoq.

Kommuneqarfik Sermersooq quppersakkamini taamaallaat kommunimi fritidshjem-it nalunaarsorsimavai.

#### d) fritidsklub-it

##### *Inatsisit:*

Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaat nr. 10, 21. maj 2002-meersumi fritidsklub-it pillugit § 17-imi oqaatigineqarpoq taakkua klub-iusut meeqqanik inuusuttuaqqanillu sunngiffimmi katsersuuttitsisartut.

Fritidsklub-iniinnermut akiliutit pillugit § 19-imi aalajangersarneqarpoq kommunini fritidsklub-it akiliuteqartitsisarsinnaasut, imaluunniit aningaasannanniarlutik katsersisarsinnaasut klub-it ingerlatsinerannut, suliniutaannut il.il. nukittorsaaniarlutik. Taamaattoq ilaasortaanermut akiliuteqartitsisoqarsinnaanngilaq klub-imi peqataanermut. Tamannalu tunngavigalugu fritidsklub-iniinnermut atuisut akiliuteqartinneqarsinnaanngillat.

##### *Ileqqut:*

Fritidsklub-it kommunini sisamaasuni tamani nassaassaapput.

Qaasuitsup Kommunian, Qeqqata Kommunian aamma Kommune Kujalleq fritidsklub-it neqeroorutaat pillugit quppersakkaminni allapput:

*"Fritidsklub-i tassaavoq meeqqanut inuusuttunullu 6-it aamma 21 akornanni ukiulinnut klub-i. Klub-ini suliniutinik assigiinngitsunik ingerlatsisoqarsinnaavoq, ukioqatigiiaanut assigiinngitsunut naleqqussagaasunik. Suliniutit ingerlatat assersuutigalugu makkuusinnaapput:*

- *Qitineq*
- *Unammisitsinerit*
- *Asimut unnuiartortarnerit*
- *Kammalaatigiilluni katserisimaarneq*
- *Klubrád-imi sulineq*

*Fritidsklub-it nassaassaapput illoqarfinni tamani nunaqarfiillu ilaanni ataasiakkaani. Fritidsklub-imukartarneq akeqanngilaq.*

##### *Klubrád-it*

*Fritidsklub-it amerlanerit klubrád-eqartarput. Klubrád-it inuttaqartarput meeqqanik inuusuttunillu fritidsklub-iliartartunik. Taakkua suliaassarinnavaat:*

- *Unammisitsinernik aaqjissuussinerit*
- *Oqallititsinernik aaqjissuussinerit, soorlu pinaveersaartitsinerit*
- *Fritidsklub-imik pitsanngorsaanerit*

*Fritidsklub-it amerlanerit kiosk-imi ingerlatsisarput. Kiosk-imit sinneqartoortit fritidsklub-ip suliniutaanut atornerqartarput.*

*Illit kommunivit fritidsklub-imi ingerlatsineq aningaasalersortarpaa nakkutigalugulu.  
Aamma illit kommunivit klub-it ammasarfii aalajangersartarpai.*

*Illit kommunivit pisortassat sulisussallu piginnaanillit atorfinitsittarpai fritidsklub-imi.  
Kommuni inummik fritidsklub-imi sulisuusussamik atorfinitsinnginnermini inuup  
pineqartup pinerluuteqarsimannginnermut uppersaataa takujumasussaavaa.”*

Kommuneqarfik Sermersuup quppersagaani fritidsklub-inut tunngasunik paasissu-  
tissaqartungangilaq.

Inussiarnersumik inuulluaqqusilluta  
Med venlig hilsen



Nivi Olsen

🏠 Saqqaa (<https://sermersooq.gl>)

/ Nutaarsiassat tusagassiuutillu (<https://sermersooq.gl/kl/emne/nutaarsiassat-tusagassiuutillu/>)

/ Nuummi atuartunut paaqqinnittarfiit pitsaassutsikkut qaffaavigineqartut

# Nuummi atuartunut paaqqinnittarfiit pitsaassutsikkut qaffaavigineqartut

🕒 23. novembari 2015 (<https://sermersooq.gl/kl/2015/11/23/nuummi-atuartunut-paaqqinnittarfiit-pitsaassutsikkut-qaffaavigineqartut/>) 👤 Lars Damkjær



**Atuartunut paaqqinnittarfiit aqqissuuteqqinnerini kommunalbestyrelsip tapiissutitut aningaasaliissuteqarnerata kingorna atuartunut paaqqinnittarfinnut akiliutit ikilissapput**

Marlussoriarluni ikilisaanissaq anguniarneqarnikuuvoq maannakkulli qularnarunnaarpoq. Atuartunut paaqqinnittarfinnik aaqqissuussineq nutaaq, Nuummi AKO meeqqanut 0. klassimiit 3. klassimut atuuttoq marsip aallaqqaataani 2016 atuutsilissaaq.

Tamanna kommunalbestyrelsimit akuerineqarpoq aappaagu missingersuutit akuersissutigineqarnerannut atatillugu.

AKO tassaavoq Nuummi ingerlanneqarsimasoq atuartunut paaqqinnittarfiit marluk imminnut kattunnerisa taaguutaat. Atuartunut paaqqinnittarfiit akeqanngitsumik orninneqarsinnaasut fritidshjemmillu akiliilluni orninneqarsinnaasut. Fritidshjemmini paaqqinninnerup pitsaassusia aamma inersimasut amerlassusiat ajorsimanngillat, kisianni angajoqqaat amerlasuut tamanna akiliuteqarfigissallugu ilisimasimanngilaat. Tamassuma kinguneranik inissat 60 procentii pallillugit inuttaqarsimanngillat.

Atuartunut paaqqinnittarfiit akiliteqarnani atorineqarsinnaasimapput, kisianni meeqqat quliugaangata inersimasumit ataatsimit paaqqutarineqartarput aamma perorsaanermik siunnerfilimmik ingerlatsisoqarsimanngilaq. Sammisassat inersimasunit aqunneqartut amerlasuut piffissaqarfigineqaratik. "Uagut naliliinerput imaappoq neqeroorut taanna pitsaasuunngitsoq. Eqqortumik taassagaanni meeqqanik uninngatitsiviunnarsimavoq. Tamassuma nassataanik perorsaanermik ineriartornerup meeqqallu ataasiakkaat pissarsiaasa akornnganni assigiinngissuseq angisoorujussuusoq." Neqeroorummi nutaami atuarfiup aamma AKOp akornanni suleqatigiinneq annertusineqassaaq, taamatullu atuarfiup angerlarsimaffiullu akornanni suleqatigiinneq qaffatsinneqarluni, AKOmi sulisut meeqqat atuarfimmiinneranni aamma atuarfimmiittassammata, Meeqqanut, Ilaqutariinnut Atuarfeqarnermullu Ingerlatsivimmi pisortaq Søren Valbak oqarpoq.

AKOmi neqeroorummi nutaami meeqqanut arfineq-pingasunut inersimasoq ataasiussaaq. Meeqqanut sammisassat aaqqissuunneqartassapput aamma ualikkut meeqqat tamulugassaminernik sassaallertoqartassaaq – ullut tamaasa.

Saniatigut perorsaanermik aallaavilimmik anguniagassanik pilersitsisoqassaaq ilaatigut tassaallutik oqaatsit, timimik aalatitsineq aamma piorsarsimassuseq.

“Maannakkumiit angajoqqaat meeqqamik atuarnerp kingorna aallunneqarluarnissaat qulakkiissavaat. Paaqqutarineqassapput meeqqat ineriartornerannut tapertaasumik”, Meeqqanut, Ilaqutariinnut Atuarfeqarnermullu Ataatsimiititap siulittaasua Poul Hansen oqarpoq.

### **Naatsorsuutigisamit akit appasinnerit**

Kommunalbestyrelsip kingullermik AKO pillugu suliaqarami suliaq angajoqqaat akiliuteqartarnissaanni unittoorpoq.

Kommunalbestyrelsimi isumaqarpoq akiliuteqartalernissamik aallatitsinissaq angajoqqaat akeqanngitsumik paarsitsisarnerannit nikeriarneq annertuallaartoq, soorlu maannamut Nuummi fritidshjemmeni ingerlanneqartunut assingusumik.

Tamanna missingersuutinik suliaqarnermi politikereq eqqarsaatersuutigaat suliassaqarfimmullu akit appasitsinniarlugit 2,4 millioner koruuninik ilassuteqarlutik.

Ilaqutariit SIK naapertorlugu marlunnik aningaasarsiallit marlunnillu meerallit siornatigut siunnersuutaaqqaartumi meeqqat marluk atuareernerup kingorna paaritinniarunikkut 1206 koruuninik akiliuteqartartussaasut maannakkut ilaqutariit taaneqartutut ittut 637 koruuninik akiliuteqartalissapput.

“Akit nutaat kommunalbestyrelsimit isumaqatigiissutigineqarput. Naliliivugut ilaqutariit aningaasartuutinik taamak qaffasitsigisunik tassanngaannaq akiligassinneqassanngitsut. Taamaattumik atuartunut paaqqinnittarfinnik neqeroorutit pitsanngorsarlugillu akikilliliivigivagut, Kommuneqarfik Sermersuumi borgmesteri Asii Chemnitz Narup oqarpoq.

Nuummi AKO aamma Fritidshjemminut akit nutaat 1. marts 2016

Akissarsiat akileraarutaasussat	AKO 1-3 klasse	Fritidshjemmet 4.- 7.klasse
0 – 149.999	0	0
150.000 – 174- 999	136	136
175.000 – 199.999	156	156
200.000 – 224.999	178	178
225.000 – 249.999	226	226
250.000 – 274.999	248	248
275.000 – 299.999	269	269
300.000 – 324.999	291	291
325.000 – 349.999	313	313
350.000 – 374.999	339	339
375.000 – 399.999	361	361
400.000 – 424.999	425	425
425.000 – 449.999	452	452
450.000 – 474.999	474	474
475.000 – 499.999	496	496
500.000 – 549.999	539	539
550.000 – 599.999	587	587
600.000 – 649.999	631	631
650.000 – 699.999	883	883
700.000 – 749.999	1018	1018
800.000 –	1061	1061

Qatanngutiinnut akikillisaat: Meeraq angajulleq akimik ilivitsumik akiliuteqassaaq. Meeqqap aappaa, pingajua il.il. akip 50 procentianik akiliuteqartassaaq.

Akeqanngitsumik paaqqinnittarfimmiitsineq: Meeqqat immikkut pisariaqartitsisutut nalilikkat akeqanngitsumik paaqqinnittarfimmiitinneqarsinnaapput. Tassaasinnaapput meeqqat angerlarsimaffimmini naammaginartumik ineriartortinneqanngitsut.

🏠 Saqqaa (<https://sermersooq.gl/>) / Ulluunerani paaqqinnittarfinni akigitat

# Ulluunerani paaqqinnittarfinni akigitat

## Ullukkut paaqqinnittarfiit

Skattepligtig indkomst      ⇅      ⇅ Takst      ⇅

Showing 1 to 22 of 22 entries

## Meeqqeriviit

Skattepligtig indkomst      ⇅      ⇅ Takst      ⇅

Showing 1 to 22 of 22 entries

## Meeraaqqeriviit

Skattepligtig indkomst      ⇅      ⇅ Takst      ⇅

Showing 1 to 22 of 22 entries

## Atuareernerup kingorna paaqqinnittarfiit

Skattepligtig indkomst      ⇅      ⇅ Takst      ⇅

0	149.999	0
150.000	174.999	226
175.000	199.999	269
200.000	224.999	301
225.000	249.999	387
250.000	274.999	419



<b>Skattepligtig indkomst</b>	↕	↕ <b>Takst</b>	↕
275.000	299.999	462	
300.000	324.999	505	
325.000	349.999	537	
350.000	374.999	580	
375.000	399.999	613	
400.000	424.999	656	
425.000	449.999	699	
450.000	474.999	731	
475.000	499.999	774	
500.000	549.999	849	
550.000	599.999	924	
600.000	649.999	1010	
650.000	699.999	1430	
700.000	749.999	1548	
750.000	799.999	1666	
800.000		1741	

Showing 1 to 22 of 22 entries



## Qeqqata Kommuniata 2016-imut akigititai

### 2016-imut Qeqqata kommuniata akigititai uani aasinnaavatit

MEEQQERIVINNI QAAMMAMMUT AKIGITITAT 2015-IMI JANUAARIP AALLAQQAATAANI ATUUTTUT				
		0-6 ukiullit		7-> ukiullit
Isertitat	Procentin- ngorlugu	Meeqqerivik	Procentin- ngorlugu	Sunnigffimmi ornittagaq
99.999 koruunit tunganit	0	kr. 0	0	kr. 0
100.000-149.999 kr.	5	kr. 345	5	kr. 215
150.000-174.999 kr.	6	kr. 414	6	kr. 258
175.000-199.999 kr.	7	kr. 483	7	kr. 301
200.000-224.999 kr.	8	kr. 552	8	kr. 344
225.000-249.999 kr.	10	kr. 690	10	kr. 430
250.000-274.999 kr.	12	kr. 828	15	kr. 645
275.000-299.999 kr.	13	kr. 897	20	kr. 861
300.000-324.999	14	kr. 966	22	kr. 947
325.000 koruunit sinnerlugit	15	kr. 1.000	24	kr. 1.000

\* Januaari kisimi akiliiffiuneq ajorpoq

Pisortatigoortumik ikiorsiissutit	Pilersuineranut akigititait		
	Qaam- mammut	Ullunut 14- inut	Sap.ak.
Kisimiittoq nammineerisaminik inilik	kr. 1.680	kr. 776	kr. 388
Aappariit/inooqatigiit nammineerisimannik inillit	kr. 2.836	kr. 1.310	kr. 655
Kisimiittoq ineqatilik/inisimasoq	kr. 1.420	kr. 656	kr. 328
Aappariit ineqatillit/ inisimasut	kr. 2.836	kr. 1.310	kr. 655
	kr. 1.000	kr. 462	kr. 231

Pilersuisussaatitaasumut meeqqamut ataatsimut tapit			
Aningaasanngormagit ikiorsiissutit	Pilersuinermut akigititafaa		
Aningaasanngormagit ikiorsiissutit	Meeqqamut tapimut akigititapaffaa		

Qeqqata Kommunia

+299 702100

[qeqqata@qeqqata.gl](mailto:qeqqata@qeqqata.gl)

### Attaveqarfissaq

Qeqqata Kommunia

Postboks 1014

Makkorsip Aqq. 2

3911 Sisimiut

E-mail [qeqqata@qeqqata.gl](mailto:qeqqata@qeqqata.gl)

Oqarasuaat (+299) 70 21 00

Fax (+299) 70 21 77

### Ammasarfia

Ammasarfiit ornigulluni oqarasuaatikkullu saaffiginninnernut atuupput.

Ataasinngorneq nal. 10:00 - 15:00

Marlunngorneq nal. 10:00 - 15:00

Pinqasunngorneq Matoqqavoq

Sisamannorneq nal. 10:00 - 15:00

Tallimannorneq nal 10:00 - 15:00

Weekendi matoqqavoq



# QAASUITSUP KOMMUNIA

FORVALTNING FOR KULTUR, UNDERVISNING OG FRITID

KULTUREQARNERMUT ATUARTITAANERMUT SUNNGIFFIMMILU INGERLATISIK

POSTBOKS 1023, 3952 ILULISSAT TLF.: (+299) 94 78 00 FAX: (+299) 94 49 33

E-Mail : [Ilukultur & Undervisning@qaasuitsup.gl](mailto:Ilukultur&Undervisning@qaasuitsup.gl)

## Qaasuitsup Kommunia-ni 2016-imi ulluunerani neqoroortutini akigititat

### Takster for Dagtilbud i Qaasuitsup Kommunia 2016

Isertitat/ Indkomster		Vuggestue	Børnehave	Dagpleje	Fritidshjem
Fra	Til				
0	149.999	263	262	210	222
150.000	174.999	439	393	350	371
175.000	199.999	439	393	350	371
200.000	224.999	439	393	350	371
225.000	249.999	527	393	350	371
250.000	274.999	966	393	630	371
275.000	299.999	1.229	785	981	741
300.000	324.999	1.405	916	1.051	741
325.000	349.999	1.581	1.047	1.191	741
350.000	374.999	1.756	1.178	1.331	741
375.000	399.999	1.844	1.243	1.471	741
400.000	424.999	1.932	1.374	1.611	741
425.000	449.999	2.107	1.505	1.681	741
450.000	474.999	2.371	1.636	1.821	741
475.000	499.999	2.459	1.766	1.961	741
500.000	549.999	2.546	1.897	2.101	741
550.000	599.999	2.634	2.028	2.241	741
600.000	649.999	2.722	2.159	2.382	741
650.000	699.999	2.810	2.224	2.452	741
700.000	749.999	2.898	2.224	2.592	889
750.000	799.000	2.985	2.290	2.732	889
800.000	ofter	3.073	2.355	2.802	1.037

Qaasuitsup Kommunia-ni ulloq 26.11.2015 Kommunalbestyrelse-p ataatsimiinerani akuersissutigineqarpoq.

Vedtaget på Kommunalbestyrelsesmøde i Qaasuitsup Kommunia den 26.11.2015.